

ՆԱԽ ԵՐԳԱՆԲ ԱՌ ՊԱՏՈՒԵԼԻ ԸՆԹԵՐՑՈՂԴ.

Ճարտարաբանութեամբ Գովաբանօրն Աստուծոյ Մարգարէն Դաւիթ՝ ասէ ընկալ զծառայս քոյ ի բարի զի մի ամբարտաւանք զգուեսցեն զիս. այսպէս, յոյս իմ առ Տէր՝ և ակն իմ առ ամենայն բարեպաշտ ընթերցօղք Օգնական իմոյս տկարութեան լինելով՝ հասանիլ ի թիկունս բարեմիտ յորսողիս, պահելով զլարն յորոգայթին պընտապէս, զի մի անկարգ անձինք՝ ի գայթազդութենէ կալանաւորութեանց իւրեանց զգուեսցեն զիս:

Եւ ես կատարելապէս սիրօղս Յազգին իմոյ և յաշխարհին Հայոց, խոնարհաբար Գրքաւս ընծայեմ ձեզ զմիրզն անուանեալն խնձոր գունով կարմիր, տեսեամբ գեղեցիկ, հոտով անոռ, և թոշակաւ քաղցր ընդ ճաշակս ամենայն բարեպաշտ անձանց և բնութեամբ առողջարար յազգին Հայոց. որ տայ տեղի և յորդորէ ամենցուն սիրով ընդունիլ զինքն, նոցայ որք բնականապէս առողջ անդամօք. և յստակ խառնուածօք ունին կեանս յանձին իւրեանց: Եւ կալանաւոր առնէ այնոցիկ որք ի պատճառէ եռացեալ մաղձին ի ջերմութենէն արեանն ի ցնորից փոփոխական կարծեաց սրտից, և ի սառնութենէ բալղամին ծուլացելոց կան ի գործս անկարգութեան մաք-